



REPUBLIKA E SHQIPËRISË

PREFEKTI I QARKUT LEZHË
SEKTORI I MONITORIMIT TË KOMPETENCAVE VENDORE DHE FUNKSIONEVE TË DELEGUARA

Nr. 07 Prot.

Lezhë, më 04 .01.2024

U R D H Ë R
Nr. 01 datë 04.01.2024

P Ë R

**PËR NGRITJEN DHE FUNKSIONIMIN E KOMITETIT RAJONAL TË
PARANDALIMIT TË RADIKALIZMIT DHE LUFTËS KUNDËR EKSTREMIZMIT
TË DHUNSHËM, NË QARKUN LEZHË**

Bazuar në ligjin nr.107/2016, "Për prefektin e qarkut", neni 8 germa "e", urdhrin nr. 185 datë 31.10.2023 të Kryeministrit, "Për ngritjen dhe funksionimin e komiteteve rajonale për parandalimin e radikalizimit dhe luftës kundër ekstremizmit të dhunshëm", VKM nr.81 datë 14.02.2023 të Këshillit të Ministrave, "Për miratimin e strategjisë ndërsektoriale për parandalimin e ekstremizmit të dhunshëm dhe luftës kundër terrorizmit 2023 – 2025 dhe planeve të veprimit 2023 – 2025",

URDHËROJ :

1. Ngritjen e komitetit rajonal për parandalimin e radikalizimit dhe luftës kundër ekstremizmit të dhunshëm në qarkun Lezhë.
2. Komiteti rajonal drejtohet nga prefekti i qarkut dhe ka në përbërje këta anëtarë:

Drejtori i Drejtorisë Vendore të Policisë Lezhë	anëtar
Drejtori i Drejtorisë Vendore të Kufirit dhe Migracionit Durrës	anëtar
Drejtori i Drejtorisë Rajonale të Shërbimit Social Shtetëror Lezhë	anëtar
Drejtori i Drejtorisë Rajonale të Punësimit dhe Aftësive Lezhë	anëtar
Drejtori Rajonal i Shërbimit Informativ të Shtetit Lezhë	anëtar
Drejtori IIEVP Shënkoll, Lezhë	anëtar
Drejtori i Degës Territoriale të Shërbimit të Proves Lezhë	anëtar
Drejtori i Degës Territoriale të Shërbimit të Proves Kurbini	anëtar
Drejtori i Drejtorisë Rajonale të Arsimit Parauniversitar Lezhë	anëtar
Drejtori Rajonal i Operatorit të Shërbimeve të Kujdesit Shëndetësor Shkodër	anëtar
Drejtori i Drejtorisë Rajonale të Formimit Profesional Publik Shkodër	anëtar
Drejtori i Rajonal i Inspektoriatit Shtetëror të Punës Shkodër	anëtar
Shefi i Sektorit të Policisë Kriminale të Policisë Ushtarake Rinas	anëtar

3. Në takimet e komitetit rajonal, kur vlerësohet e nevojshme dhe sipas çështjeve që do të trajtohen, me kërkesë të kryetarit, mund të ftohen të marrin pjesë kryetari i këshillit të qarkut, kryetari/kryetarët i/e të bashkisë/bashkive drejtuesit e prokurorive të rretheve gjyqësore, anëtarë të bashkësive fetare, përfaqësues nga shoqëria civile dhe organizata e agjenci të tjera.

4. Komiteti Rajonal ka këto detyra dhe përgjegjësi:

- a) Shërben si partner dhe autoritet përgjegjës në nivel qarku për zbatimin e mekanizmit kombëtar të referimit të rasteve të radikalizmit dhe ekstremizmit të dhunshëm pranë Koordinatorit kombëtar për parandalimin dhe kundërshtimin e ekstremizmit të dhunshëm.
- b) Identifikon dhe referon pranë qendrës së koordinimit kundër ekstremizmit të dhunshëm (QKEDH) individët apo grupet vulnerabël në rrezik radikalizmi apo të radikalizuar në nivel qarku nëpërmjet vlerësimit të raportimeve dhe problematikave të diskutuara në mbledhjet periodike nga anëtarët e komitetit rajonal.
- c) Në bashkëpunim me QKEDH-në, ndjek të gjitha veprimet, masat dhe aktorët e përfshirë në parandalimin e radikalizmit, luftën kundër ekstremizmit të dhunshëm dhe proceset e rehabilitimit, rirritimit dhe risocializimit të personave të kthyer nga zonat e luftës.
- d) Kryen vlerësime periodike për fenomenin e radikalizmit dhe ekstremizmit të dhunshëm në nivel qarku, në përputhje dhe në zbatim të strategjisë ndërsektoriale për parandalimin e ekstremizmit të dhunshëm dhe luftën kundër terrorizmit 2023-2025 dhe planeve perkatëse të veprimit.
- e) Ndërmerr masa për rritjen e ndërgjegjësimit të komunitetit me qëllim parandalimin e radikalizmit dhe kundërshtimin e ekstremizmit të dhunshëm, nëpërmjet tryezave të rrumbullakëta, takimeve informuese dhe fushatave të ndërgjegjësimit për këtë qëllim.
- f) Shërben si urë lidhëse për trajtimin e nevojave sociale dhe ekonomike më të gjera të rasteve të identifikuar në rrezik radikalizmi apo të radikalizuara në qark.
- g) Zbaton me përgjegjësi të gjitha detyrat dhe udhëzimet e lëna nga kryetari i komitetit rajonal për parandalimin e radikalizmit dhe luftës kundër ekstremizmit të dhunshëm.
- h) Raporton periodikisht një herë në tre muaj, nëpërmjet kryetarit të komitetit rajonal, te koordinatori kombëtar për parandalimin dhe kundërshtimin e ekstremizmit të dhunshëm, për të gjithë veprimtarinë e tij. Raporti duhet të jetë produkt i punë të të gjithë anëtarëve të komitetit rajonal dhe përmbajtja e raportit duhet të japë informacion vetëm për periudhën për të cilën raportohet.
- i) Miraton rregulloren e funksionimit të komitetit rajonal në koordinim me QKEDH-në.
- j) I propozon koordinatori kombëtar për parandalimin dhe kundërshtimin e ekstremizmit të dhunshëm plane dhe strategji konkrete për adresimin e çështjeve e të problematikave që kanë të bëjnë me parandalimin e radikalizmit, luftën kundër ekstremizmit të dhunshëm si dhe rehabilitimin e të riatdhesuarve nga zonat e konfliktit.

5. Struktura e raportit sipas shkronjës "h", të pikës 4, të këtij urdhri, duhet të përmbajë:

- a) një përmbledhje të veprimtarisë së komitetit rajonal për periudhën për të cilën raportohet, si dhe informacione në fushën e veprimit të secilit anëtar;
- b) konstatime dhe problematika të hasura, si dhe propozime për adresimin e tyre;
- c) të dhëna statistikore apo tregues të arritjeve dhe rezultateve kryesore;
- ç) të dhëna statistikore të përditësuara për periudhën për të cilën raportohet;
- d) informacion për planifikimin dhe programet për të ardhmen;

5.1. Të dhënat statistikore të përditësuara për periudhën, për të cilën raportohet duhet të përfshijnë informacion të përpunuar, të ardhur nga të gjitha strukturat që janë pjesë e komitetit dhe të përmbajnë informacion në nivel qarku për:

- a) rastet apo fenomenet e evidentuara nga policia e shtetit;
- b) rastet apo fenomenet e evidentuara nga punonjësit socialë në njësitë e vetëqeverisjes vendore;
- c) rastet apo fenomenet e evidentuara nga shërbimi informativ i shtetit;
- ç) rastet apo fenomenet e evidentuara nga institucionet e ekzekutimit të vendimeve penale që veprojnë në qark;
- d) rastet apo fenomenet e evidentuara nga sistemi i arsimit parauniversitar;
- dh) rastet apo fenomenet e evidentuara nga sistemi i shëndetësisë;
- e) rastet apo fenomenet e evidentuara nga forcat e armatosura;
- ë) rastet apo fenomenet e evidentuara nga komunitetet fetare;
- f) rastet apo fenomenet e evidentuara nga shoqëria civile dhe organizatat joqeveritare që operojnë në qark
- g) rastet apo fenomenet e evidentuara nga aktorë të tjerë;

5.2 Raporti duhet të hartohet dhe të përcillet në formën e një shkrese zyrtare të nënshkruar nga prefekti i qarkut, në cilësinë e kryetarit të komitetit rajonal me datë dhe me numër protokollit të institucionit që e dërgon.

6. Kryetari i komitetit rajonal kryen këto detyra:

- a) Organizon dhe drejton veprimtarinë e komitetit bazuar në strategjinë ndërsektoriale për parandalimin e ekstremizmit të dhunshëm dhe luftën kundër terrorizmit 2023-2025 dhe në planet e veprimit.
- b) Raporton një herë në tre muaj, në emër të komitetit rajonal te koordinatori kombëtar për parandalimin dhe kundërshtimin e ekstremizmit të dhunshëm për veprimtarinë e komitetit rajonal dhe proceset e rehabilitimit, riintegritit dhe risocializimit të personave të kthyer nga zonat e luftës në Siri dhe Irak në nivel qarku.
- c) Shërben si urë lidhëse koordinuese ndërmjet koordinatorit kombëtar për parandalimin dhe kundërshtimin e ekstremizmit të dhunshëm dhe qarkut për bashkërendimin e veprimtarisë për parandalimin e radikalizmit, luftën kundër ekstremizmit të dhunshëm dhe proceseve të rehabilitimit, riintegritit dhe risocializimit të personave të kthyer nga zonat e luftës në Siri dhe Irak.

7. Drejtori i përgjithshëm i qendrës së koordinimit kundër ekstremizmit të dhunshëm (QKEDH) është koordinatori kombëtar për parandalimin dhe kundërshtimin e ekstremizmit të dhunshëm (Koordinator Kombëtar).

8. Komiteti rajonal mblidhet, si rregull një herë në tre muaj, me kërkesë të kryetarit të komitetit rajonal, ky i fundit mund të mblidhet edhe më shumë se një herë në tre muaj. Në çdo rast, njoftohet paraprakisht koordinatori kombëtar për parandalimin dhe kundërshtimin e ekstremizmit të dhunshëm (Koordinator Kombëtar).

9. Komiteti rajonal mund të mblidhet dhe me kërkesën e koordinatorit kombëtar për parandalimin dhe kundërshtimin e ekstremizmit të dhunshëm në çdo moment, në raste urgjente dhe sa herë e gjykon të arsyeshme ky i fundit, me qëllim bashkërendimin e punës, trajtimin dhe adresimin e problematikave.

10. Anëtarët e komitetit rajonal të raportojnë periodikisht një herë në muaj sipas fushës së tyre të përgjegjësisë, te kryetari i komitetit.

11. Në mbështetje të veprimtarisë së komitetit rajonal të ngrihet sekretariati teknik, i cili është pjesë e administratës së prefektit të qarkut. Mënyra e ngritjes dhe funksionimit të sekretariatit teknik percaktohet në rregulloren e funksionimit të komitetit.

12. Sekretariati teknik ka këto detyra:

- a) Mban kontakt me të gjithë anëtarët e komitetit rajonal, koordinatorin kombëtar për parandalimin dhe kundërshtimin e ekstremizmit të dhunshëm aktorët e tjerë që mund të ftohen në tryeza teknike me kërkesën e kryetarit të komitetit rajonal.
 - b) Njofton anëtarët për takimet e komitetit rajonal, si dhe siguron paraqitjen dhe shkëmbimin e materialeve për takimet e planifikuara.
 - c) Siguron zhvillimin e mbledhjes, shkëmbimin dhe administrimin e informacionit dhe të dhënave në nivel qarku për detyrat e caktuara nga komiteti rajonal.
 - ç) Harton raorte dhe plane pune të komitetit rajonal.
13. Me qëllim koordinimin e punës dhe shkëmbimin e përvojave pozitive, komiteti rajonal mund të organizojë tryeza ndërinstitutionale teknike për këtë qëllim.
14. Për zbatimin e këtij urdhri mgarkohet administrata e prefektit, Sektori i monitorimit të kompetencave vendore dhe funksioneve të deleguara.
16. Ky urdhër hyn në fuqi menjëherë.

P R E F E K T I

Gjergj PRENDI

